

# **Landesbibliothek Oldenburg**

**Digitalisierung von Drucken**

## **Thomæ Goodwini Moses & Aaron Seu Civiles & Ecclesiastici Ritus Antiquorum Hebræorum**

**Godwin, Thomas**

**Bremæ, MDCCX**

**VD18 12442798**

Cap. XI. De Festo Purim & Festo Encaeniorum.

**urn:nbn:de:gbv:45:1-18703**

## CAP. XI.

De Festo Purim & Festo  
Enceniorum.

I. **P**ur פּוּר est vocabulum Persicum, notans sortem, unde hoc festum nomen habet, vocaturque *Purim*, h. e. *sortes*, κληρω-  
τις αἰω.

II. Cœpit hoc festum die decimo quarto mensis *Adar*, duravitque ad finem decimi quinti. *Esth.* IX. 21. Institutum fuit à *Mardochai*, in memoriam liberationis Judæorum è manibus *Hamanis*, coram quo singulis diebus, singulis mensibus, sors jacta est, ad extirpationem illorum. Hoc biduo legunt historiam de *Esthere* in Synagoga, & quoties nuncupatur *Hamanis* nomen, pugnis & malleis sæviunt in tabulas & subsellia, ac si infelicis *Hamanis* tempora tunderent. (1) *Hospin. de Fest. fol. 33. ex Antonio Margaritha in lib. de cerem. Judæor.*

## III. Fe-

(1) Quando hic solennis actus peragitur, nempe quando volumen Legis promitur, & totus liber *Estheris* à fronte ad calcem legitur, omnes Judæorum virgines & mulieres & pueri adesse debent, ut jucundo adspectu percussi *Hamanis* pectus reficiant. Fui aliquando in ipsorum Synagoga, cum hoc festum agitent, ubi vidi quantoperè in miseri *Hamanis* manes debaccharentur. Pueri ligneis & ferreis malleis ita contundunt subsellia, parietem, & terram,  
ut

III. Festum initiationis vocatur in N. T. ἐγκαίνια, quod est ἐσπρὴ, καὶ ἢν ἐκαὶνεργῆθη τὶ festum, in quo aliquid renovatum. Suid. Quia illæ res solummodò initiatæ reputabantur, quæ fuerunt separatæ à communi usu, & usui sacro dedicatæ.

IV. Legimus de multis rebus initiatis in V. T. Tabernaculum, Templum, Sacerdotes, Altaria, Vasa, & Vestimenta initiata erant; sed non erat solennitas annua, quæ ipsorum initiationis memoriæ fuerit instituta; propterea ἐγκαίνια initiatio, de qua hîc sermo, quum sit solennitas annua, est festum initiationis altaris, institutum à Juda Macchabeo, ut singulis annis per octo dies à vigesimo quinto die mensis כִּסְלֵו Kisleu, qui respondet nostro Decembri, celebraretur, 1. Macc. IV. 59.

## V. De

ut subinde Patrum caput feriant ruinæ. Etiam si autem ita perdant pulpita, tantum abest ut inhi-beant grandævi Patres, ut multâ salivâ & ostenso dente excipiant, dulcique hoc adspectu animum & barbam mulceant. Mulieres interim & virgines, quantum possunt, capita è fenestellis suis exerunt, ut heroas pueros cernant, & ipsorum magnanimam fortitudinem admirentur. Reliqui pueri interea crepitaculis ingentem strepitum cient. Sed non satis est ita sævire in caput Hamanis, mulieres tenues cereas in formam Hamanis & filiorum ipsius effingunt, & simul ictu & igne perdunt. Cùm hæc in Synagoga spectarem, quidam Patrum me ita affabatur; ne mirere lusum filiorum nostrorum, jam habent sua Bacchanalia, quemadmodum vestri faciunt; nisi quodd plus Judaicè proferret hæc. De hoc festo Purim plura habes in Buxtorf. Synag. Jud. c. 29. & apud Leonem Mutinensem de Ceremoniis Jud. P. III, cap. 10.

V. De hoc festo dedicationis loquitur *Johannes*, qui & præsentiam nostri Salvatoris refert, & tempus designat, quòd fuerit mensis *December*. Ἐγένετο τὸ ἐγκαινία facta sunt encenia *Hierosolymæ*, & hyems erat *Job. X. 22.*

VI. Ratio hujus festi fuit reminiscencia ingentis gratiæ, quam Deus dedit suo populo, redimens ipsos ex tyrannide *Antiochi*, & idololatria, ad quam iste ipsos adegerat, dum idolum *Jovis* in templo posuerat, abolito vero Dei cultu.

VII. Hæc duo festa sunt institutionis humanæ; quibus plura possent addi. Verùm parum aut planè nihil ei, quod refertur de illis in *S. Scriptura*, addidimus.

**MOSES**

nibus cultibusque honorata sunt. Tandem *Homines* benè meriti, imò *Crocodili, Serpentes, Glires, Felcs, Canes, Cera, & Allium* divino honore non carebant.

## CAP. II.

*De Molocho, Adram-Melecho, Anam-Melecho, Baale, Tabernaculo Molechi, Chiun, & Remphan.*

I. **D**E Idolo *Moloch* legimus in diversis Scripturæ locis 1. Reg. XI. 5. 7. 2. Reg. XXIII. 10. Levit. XVIII. 21. Subinde vocatur *Moloch*, subinde *Molech*, subinde *Milcom*. Non tantum putatur fuisse *Deus Ammonitarum*, sed & *Moabitaram*. *Lorin. in Act. VII. ex Oecumen.* Nomen suum ducit à מֶלֶךְ regnavit. LXX. Interpretibus *Molech* vertitur ἀρχων, βασιλεύς *Princeps, Rex*. Ejusmodi *Regia Idola* erant *Adram-Melech, & Anam-Melech*, *Dii Sepharvaïm*, in quorum honorem populus suos filios per ignem traducebat. (\*)

II. Pu-

(\*) A *Molecho* non fuerunt alii *Adramelech* vel *Adrammelech*, & *Anamelech* vel *Anammelech*, quibus incolæ *Sepharvaïm* filios igne combusserunt. 2. Reg. XVII. 31. *Adramelech* dicitur qu. מֶלֶךְ אֲדִיר *Rex magnificus, illustris*. A quo vocabulo *Hebr.* venit *Æthra*, seu splendor aëris. *Anamelech* verò dicitur qu. מֶלֶךְ עֹנֶה *Rex respondens, scil. consultus*, vel etiam מֶלֶךְ עֲנוּ *Rex mansuetus*.